



**Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 18. Hoc edictum a Curiis acceptatum, promulgatumque.

---

[urn:nbn:de:hbz:466:1-67263](https://nbn-resolving.de/urn:nbn:de:hbz:466:1-67263)

**Sæcul. XVI.** beneficio per solemnem Legationem grates Regi rependerentur. Verum quavis Rex hoc edictum Protestantibus adeo proficuum executioni mandari jussisset hancque in rem in omnes Provincias suos Deputatos ablegasset, nihilominus Hugonottæ non contenti, quod per summam violentiam, atque importunitatem iniquissimo modo hoc edictum extorsissent, insuper adeo se ingratis erga Regem exhibebant, ut sæpius pacta hoc edicto sancta violarent, atque evoluto octo annorum spatio urbes legitimo sub Principi restituere recusarent: unde vel solo hoc ex capite promeriti sunt, ut progressu temporis Ludovicus XIV. Franciæ Rex hoc edictum aboleret.

### §. XVIII.

*Hoc edictum a Curiis acceptatum, promulgatumque.*

*Hist. de  
l' Edit. de  
Nantes l. 8.*

Enimvero adversus hoc edictum Catholicæ Religioni adeo nocivum summus Pontifex reclamabat, intimumque animi sui dolorem apud Rhedonensem Episcopum testabatur: ipse etiam Cardinalis Papæ Legatus desuper vehementer querebatur, nec minus etiam Senatus, Clerus, Universitatis Rector, totumque Sorbonnæ Collegium in apertas erumpabant indignationes; nec deerant Prædicatores, atque inter illos præcipue Pater

Pater Brulartus Cappucinus Sillerii To- Secul. XVI.  
A.C.1598.  
parchæ frater, qui in suis sermonibus contra perniciosa hanc indulgentiam vehementer declamabat, eapropter hoc edictum præsente adhuc Cardinali nec promulgatum, nec ab illo Senatu Catholico ad acta relatum est: Rex tamen pacem, quam immodice exoptabat, exinde præpediri veritus, omnem auctoritatis suæ vim eo impendere cogebatur, ut tandem Parisiensis Senatus die vigesima quinta Februarii anno sequenti hoc edictum confirmaret, ea tamen lege, ut ei illud additis, demptisque aut restrictis quibusdam immutare integrum esset, quod Rex haud reluctanter concessit. Postea Parisiensis Senatus exemplum reliquæ hujus Regni Curiæ sequebantur, potissimum illis permotæ rationibus, quas Henricus Rex ad obtinendam hujus edicti confirmationem proponebat, habita hanc in rem oratione, quæ huc referri meretur, eoquod Regis affectum erga Religionem, & Patriam luculento argumento testatum reddit.

### §. XIX

*Henrici Regis oratio ad Senatus Deputatos pro obtinenda edicti sui confirmatione.*

*Hist. Eccles. Tom. LII.*

U In-